

B A S E S

1. Obxectivos

- Explorar e dar a coñecer a creatividade audiovisual, a través da gravación de curtas.
- Fomentar o traballo en equipo.
- Descubrir novos campos para ocupar o tempo libre.
- Ser un centro de transferencia cultural.

2. Características dos participantes

- 2.1. Ter un mínimo de 16 anos
- 2.2. Os/as menores precisan a autorización.
- 2.3. Neste concurso poderase participar tanto individualmente como por grupos dun máximo de 5 persoas podendo participar nos grupos persoas de diferentes idades.
- 2.4 Os participantes que o desexen disporán dun servizo de orientación e asesoramento os martes e sábados do mes de outubro na Biblioteca de Barro, dirixido por unha técnica en audiovisuais.

3. Inscripcións

- Os interesados en participar, realizarán a súa inscrición gratuíta a través dun formulario entregado na OMIX de Barro ou a través do e-mail: omix@barro.es. Teléfono de información 986.714.806.
- Xunto á cumprimentación do formulario o/a representante do equipo deberá subir o vídeo á conta de Dropbox habilitada para a ocasión que atopará no blog <http://festivalmedo.blogspot.com.es/> ou entregala na OMIX de Barro.
- Entrega das autorizacións dos menores para a participación neste concurso.
- Permiso de uso dos dereitos de imaxe das persoas que aparezan.

O prazo de inscrición está aberto ata o venres 28 de outubro ás 14:00 h. (que coincidirá co prazo de entrega da curta).

4. Características xerais das curtas

- 4.1. A curta non poderá superar os 3 minutos de duración.
- 4.2. A temática dos vídeos será libre introducindo a idea da “Noite de Defuntos”. A curta deberá introducir obrigatoriamente unha metáfora.
- 4.3. A súa realización será exclusivamente mediante a cámara do teléfono móbil podendo logo, editarse con ferramentas externas.
- 4.4. As curtas deben ser orixinais, incluídos os títulos de crédito se os houbese, e gravados na máxima resolución e calidade posibles. Tanto para o audio como a para a escrita deben empregar o idioma galego.

D-medo

Concurso curtas 2016

4.5. Cada participante individual ou grupo soamente poderá presentar unha única curta, non admitíndose curtas derivadas doutra curtas presentada.

4.6. O xurado/organización resérvase o dereito de non admitir aquelas obras que inciten ao racismo, á xenofobia, á violencia de xénero, á homofobia ou que consideren inadecuadas/incompatibles cos obxectivos do concurso.

4.7. As curtas non deberán facer publicidade nin promover o uso de ningún produto ou servizo de natureza comercial.

4.8. A curta presentada deberá ser orixinal, non comercializada ou premiada con anterioridade.

4.9. Os concursantes responsabilízanse de ser os posuidores do copyright, marcas comerciais, e calquera outros dereitos de propiedade intelectual (DPI) dos elementos empregados na composición da curta: gráficos, textos, imaxes, pezas musicais, etc. ou no seu defecto garantir que teñen cedidos ditos dereitos para entregar a obra coa licenza recollida nas presentes bases.

4.10. Os concursantes responsabilízanse de posuír o permiso de uso dos dereitos de imaxe das persoas que aparezan nelas, eximindo á organización de calquera tipo de responsabilidade. No caso de que aparezan imaxes de menores identificables deberán contar, obrigatoriamente, coa correspondente autorización asinada polos pais, titores ou representantes legais dos menores de aceptación destas bases.

4.11. Os autores dos traballos presentados CEDEN TODOS OS DEREITOS PARA A EXHIBICIÓN das curtametraxes durante a noite do 31 de outubro. Queda aberta a posibilidade da súa exhibición noutros festivais cos que o Concello de Barro poida colaborar, sempre logo de aviso e con autorización do autor.

4.12. Calquera apropiación indebida de dereitos de autor na curta é responsabilidade da persoa que a inscribiu. Aos concursantes requiriráselles a indemnización á autoridade convocante sobre calquera reclamación que terceiras partes poidan realizar polo uso, reutilización, redistribución ou licenciamiento de calquera dos elementos empregados na elaboración da obra.

4.13. No caso de que se presentase a mesma curta, pero se rexistrase por distintas persoas, para os efectos deste concurso considerarase a obra presentada polas primeiras persoas que realizaron a súa inscrición, segundo o indique o rexistro de entrada do formulario.

5. Prazo de entrega das curtas para concurso

O prazo de presentación de solicitudes e os seus correspondentes vídeos rematará o venres 28 de outubro de 2016 ás 14:00 h.

6. Selección das persoas gañadoras

Os vídeos recibidos serán valorados por un xurado que decidirá os gañadores o día 31 de outubro. Tódolos vídeos recibidos que cumpran os requisitos de participación proxectaranse a noite do luns día 31, onde se decidirá o premio do público.

En caso de que algún grupo sexa premiado, este decidirá a forma de reparto do premio, informando á organización por escrito (no formulario de inscrición).

D-medo

Concurso curtas 2016

7. Premios

7.1. Premio do Xurado: os vídeos con máis votos do xurado serán os premiados:

1º premio: 300 €

2º premio: 1 teléfono 4 cargadores inalámbricos de Samsung e 4 chaves USB

3º premio: 5 pases para as Termas de Cuntis "Acquaform"

4º premio: Vale de 75 € de compra nos Supermercados Froiz

5º Premio: Cea para levar do Bar "A Fonte"(5 persoas)

7.2. Premio do público

5 tablets de 9 pulgadas e 32 gigas

Se existen premios desertos o xurado poderá outorgar estes en forma de accesit segundo o seu criterio.

8. Entrega de premios

A entrega de premios terá lugar na data e espazo que determine a organización do concurso, dita información será comunicada aos gañadores do concurso con antelación suficiente.

9. Acatamento e interpretación das bases

A organización resérvase o dereito de anular este concurso se non se supera un mínimo de 3 participantes.

Ante posibles dúbidas na súa interpretación, prevalecerá o criterio da organización. A participación neste concurso implica a plena aceptación destas bases.

Así mesmo coa participación ao concurso o representante de cada grupo participante declara expresamente que posúe todos os permisos e/ou autorizacións que sobre os dereitos de propiedade intelectual do vídeo enviado e que obtivo o consentimento expreso de todas as persoas que aparezan no vídeo para o uso da súa imaxe, así como para a súa publicación no "Sitio Web", declarando que a súa reprodución non lesiona nin prexudica a terceiros, asumindo persoalmente calquera responsabilidade que desta puidese derivarse, exonerando expresamente ao Concello de Barro e aos seus colaboradores de calquera responsabilidade ao respecto. En especial, para o caso de menores de idade, o representante do grupo garante que obtivo o seu consentimento expreso para os usos da súa imaxe nos vídeos no marco desta acción, así como para a súa publicación no "Sitio Web", declarando que a súa reprodución non lesiona nin prexudica a terceiros, asumindo persoalmente calquera responsabilidade que desta puidese derivarse, exonerando expresamente ao Concello de Barro e aos seus colaboradores de calquera responsabilidade ao respecto.

Para a obtención da devandita autorización o representante deberá empregar o modelo de autorización dispoñible na OMIX de Barro.